

圖經衍義本草

圖經衍義本草卷之十三

父六

圖經衍義本草卷之十四

事一

上海涵芬樓影印正統道藏本

圖經衍義本草卷之十三

父六


末通直郎辨驗藥材寇宗奭編撰

宋太醫助教辨驗藥材許洪校正

草部中品之上

知母



威勝軍



州 蕨

州 滁

州 龍



衛州



**知母** 味苦寒無毒主消渴熱中除邪氣肢體

浮腫下水補不足益氣療傷寒久瘧煩熱脇

下邪氣膈中惡及風汗內疸多服令人洩一

名蜆音岐母一名連母一名野蓼一名地參一

名水參一名水浚一名貨母一名蜚音提又

母一名女雷一名女理一名兒草一名鹿列

一名韭逢一名兒踵草一名東根一名水須

一名沈燔一名蔞杜舍切臣禹錫等謹按唐本一名昌支生河

內川谷二月八月採根曝乾

圖經曰知母生河內川谷今瀕河諸郡及

父六

解州滁州亦有之根黃色似菖蒲而柔潤

藥至難死掘出隨生須燥乃止四月開青

花八月結實二月八月採根異乾用

藥性論云知母君性平主治心煩躁悶骨

熱勞來徃主產後蓐勞腎氣勞憎寒虛損



圖經衍義本草

患人虛而口乾加而用之

陶隱居云今出彭城似菖蒲而柔潤葉至難死掘出隨生須枯燥乃止甚療熱結亦主瘡熱煩也郭云生山上葉如韭

范子云提母出三輔黃白者善

日華子云味甘治熱勞傳屍疰病通小腸消風痰止嗽潤心肺補虛之安心止驚悸

雷公云凡使先於槐砧上細剉焙乾木臼杵擣勿令犯鐵器



聖惠方治妊娠月未足似欲產腹中痛用  
知母二兩末蜜丸如梧桐子大不計時候  
粥飲下二十九楊氏方同

貝母



越

州

攻

川

**貝母**

味辛苦平父六微寒無毒主傷寒煩熱淋瀝

父六

三

邪氣疝瘕喉痺乳難金瘡風痙療腹中結實

心下滿洗洗惡風寒目眩項直欬嗽上氣止

煩熱渴出汗安五藏利骨髓一名空草一名

藥實一名苦花一名苦菜一名商草一名勒



母生晉地十月採根曝乾厚朴白薇爲之使  
惡桃花畏秦艽礬石莽草反烏頭

圖經曰貝母生晉地今河中江陵府郢壽  
隨鄭蔡潤滁州皆有之根有辨子黃白色  
如聚貝子故名貝母二月生苗莖細青色

葉亦青似蕎麥葉隨苗出七月開花碧綠  
色形如彭子花八月採又云四月蒜熟時  
採之良此藥亦治惡瘡唐人記其事云江  
左嘗有商人左膊上有瘡如人面亦無他  
苦商人戲滴酒口中其面亦赤色以物食

之亦能食食多則覺臍內肉脹起或不食  
之則一臂痺有善醫者教其歷試諸藥金  
石草木之類悉試之無苦至貝母其瘡乃  
聚眉閉口商人喜曰此藥可治也因以小  
葦筒毀其口灌之數日成痂遂愈然不知  
何疾也

父六

四

藥性論云貝母臣微寒治虛熱主難產作  
末服之兼治胞衣不出取七枚末酒下未  
點眼去膚翳主背中逆氣療時疾黃疸與  
連翹同主項下瘤癭疾

陶隱居云今出近道形似聚貝子故名貝  
母斷穀服之不飢

唐本註云此葉似大蒜四月蒜熟時採良  
若十月苗枯根亦不佳也出潤州荊州襄  
州者最佳江南諸州亦有味甘苦不辛按

爾雅一名茵

日華子云消痰潤心肺末和沙糖爲丸含  
止嗽燒灰油傅人畜惡瘡

雷公云凡使先於柳木灰中炮令黃擘破  
去內口鼻上有米許大者心一小顆然拌

糯米於釜上同炒待米黃熟然後去米取出其中有獨顆團不作兩片無皺者號曰丹龍精不入用水設服令人筋脉永不收用黃精小藍汁合服立愈

別說云謹按貝母能散心膈鬱結之氣殊

父六

五

有功則詩所謂言采其蕪者是也蓋作詩者本以不得志而言之今用以治心中氣不快多愁鬱者殊有功信矣

白芷

澤州



**白芷**

味辛温無毒主女人漏下赤白血閉陰

腫寒熱風頭侵目淚出長肌膚潤澤可作面  
脂療風邪久渴吐嘔兩脇滿風痛頭眩目痒  
可作膏藥面脂潤顏色一名芳草一名白芷

一名藹

許醫切

一名莞一名苻離一名澤芬葉

名蒿

音歷

麻可作浴湯生河東川谷下澤二月



八月採根曝乾當歸爲之使惡旋復花

圖經曰白芷生河東川谷下澤今所在有之吳地亦多根長尺餘白色麤細不等枝幹去地五寸已上春生葉相對婆婆紫色闊生指許花白微黃入伏後結子立秋後苗枯以黃澤者爲佳

陶隱居云今出近道處處有之下濕地河東甚多葉亦可作浴湯道家以此香浴去

尸蟲

禹錫云按范子計然云白芷出齊郡以春

取黃澤者善也藥性論云白芷君能治心  
腹血刺痛除風邪主女人血崩及嘔逆明  
目止淚出療婦人瀝血腰痛能蝕膿

日華子云治目赤弩肉及補胎漏滑破

宿血補新血乳癰發背癰癰腸風痔瘻排

膿瘡癩疥癰止痛生肌去面疔疵癰

父六

六

雷公云凡採得後勿用四條作一處生者

此名喪公藤兼勿用馬藟並不入藥中採

得刮削上皮細剉用黃精亦細剉竹刀切

二味各等分兩度蒸一伏時後取出於日